

山中白雲

冊二

山中白雲卷四

西秦玉田生張炎叔夏

廣陵

江昱賓谷疏證
江恂于九參較

聲聲慢己亥歲自台回杭雁旅數月復起遠興余
冉冉老矣誰能重寫舊游編否

穿花省路傍竹尋鄰如何故隱都荒問取堤邊因
甚減卻垂楊消磨縱然未盡滿煙波添了斜陽空
歎息又翻成無限杜老淒涼一舸清風何處把
秦山晉水分貯詩囊髮已飄飄休問歲晚空江松
陵試招舊隱怕白鷗猶識清狂漸邈遠望并州卻
是故鄉

杏花天賦疏杏

湘羅幾翦黏新巧似過雨臙脂全少不教枝上春
痕鬧都被海棠分了帶柳色愁眉暗惱謾遙指
孤村自好深巷明朝休起早空等賣花人到
醉落魄

柳侵闌角畫簾風軟紅香泊引人蝴蝶翻輕薄已
自關情和夢近來惡眉梢輕把閒愁著如今愁
重眉梢弱雙眉不畫愁消卻不道愁痕來傍眼邊
覺

甘州題戚五雲雲山圖

過千巖萬壑古蓬萊招隱竟忘還想乾坤清氣霏
霏冉冉卻在闌干洞戶來時不鎖歸水映花關只
可自怡悅持寄應難狂客如今何處甚酒船去
後煙水空寒正黃塵沒馬林下一身閒幾消凝此

圖誰畫細看來元不是終南無心好休教出岫只在深山

方回桐江集跋戚子雲詩余三十
于攜李戚君叔開嘗示余岳陽樓
駭服以爲異人今老壽之五年八
而其子讀書于會稽之五雲山名
子雲復以詩鳴于江湖余讀其吟
下之怪麗也極天下之麗又善押
必有是子非歟戚君父子皆無意
詩名余老矣不數能進于子雲少
進蓋未艾云戴表元剡源集五雲
爲戚氏作林廬深插紫屨顏一點
但得身閒無俯仰人間處處五雲

小重山賦雲屋

清氣飛來望似空數椽何用草膝堪容卷將一片
當簾櫳難持贈只在此山中魚影倦隨風無心
成雨意又西東都緣窗戶自玲瓏江楓外不隔夜
深鐘

聲聲慢西湖

別本作與王碧山泛舟鑑曲王戴隱吹簫余倚歌而和天闊秋高光景奇

絕與姜白石垂虹夜游同一清致也

晴光轉樹曉氣分嵐何人野渡橫舟斷柳枯蟬涼
意正滿西州恩恩載花載酒便無情也自風流芳
晝短柰不堪深夜秉燭來游誰識山中朝暮向
白雲一笑今古無愁散髮吟商此興萬里悠悠清
狂未應似我倚高寒隔水呼鷗須待月許多清都
付與秋

紹興府志山陰鏡湖在府城南三里亦名鑑湖
任昉述異記軒轅氏鑄鏡湖邊因得名或云黃
帝獲寶鏡焉或又云本王逸少語又山陰路上行
如在鏡中游是名鏡湖又名長湖又名大湖
山陰志唐玄宗賜賀知章鑑湖一曲故又名賀
監湖圖繪寶鑑王迪簡字廷吉號戴隱越人
善畫水仙戴表元刻源集戴隱曰戴隱者王廷
吉家于戴山之陽而名讀書之齋曰戴隱居
按張翥蛻庵集題王戴隱作戴隱畫水吳郡志吳江長
題王戴隱五香圖作俱作戴隱畫水吳郡志吳江長

橋慶曆縣尉王廷堅所建有亭曰垂虹而後因
以名橋續圖經云東西千餘尺前臨太湖洞庭
三山橫跨松江海內絕景也白石歸吳興雪後
慶春宮紹熙辛亥除夕余別石湖歸吳興雪後
夜過垂虹嘗賦詩云笠澤茫茫有雁影微玉峯重
疊護雲衣長橋寂寞春寒夜只有詩人一舸歸
後五年冬復與俞商卿張平甫銛朴翁自封禺
同載詣梁溪道經吳淞山寒天迥雪浪四合中
夕相呼步垂虹星斗下垂縵錯雜漁火朔吹凜凜
厄酒不能支朴翁以衾自纏猶相與行吟因賦
此闕蓋過旬塗稿乃定朴翁谷余無益然興所
耽不能自巳也平甫商卿朴翁皆工於詩所出
奇詭余亦強追逐之此行既歸各得五十餘解
雙槳蕩波一蓑松雨暮愁漸滿歸空闊呼我盟鷗
翩翮欲下背入還過木末那回歸去蕩雲雪孤
舟夜發傷心重見依約眉山那回歸去蕩雲雪孤
裏春寒老子婆娑自歌誰答垂虹西望飄然引
去此興平生難遏酒醒波遠正凝想明璫素轡
如今安在惟有闌干伴人一霎

木蘭花慢爲靜春賦

幽棲身懶動邃庭悄日偏長甚不隱山林不喧車
馬不斷生香澄心淡然止水笑東風引得落花忙

慵對魚翻暗藻閒留鶯管垂楊
徜徉淨几明窗
穿窈窕染芬芳看白鶴無聲蒼雲息影物外行藏
桃源去塵更遠問當年何事識漁郎爭似重門晝
掩自看生意池塘

豈按靜春袁易號見本卷瀟瀟雨詞

玉蝴蝶賦玉繡毬花

留得一團和氣此花開盡春已規圓虛白窗深恍
訝碧落星懸颺芳叢低翻雪羽凝素豔爭簇冰蟬
向西園幾回錯認明月秋千
欲覓生香何處盈
盈一水空對娟娟待折歸來倩誰偷解玉連環試
結取鴛鴦錦帶好移傍鸚鵡珠簾晚階前落梅無
數因甚啼鵲

南樓令壽邵素心席間賦

一片赤城霞無心戀海涯遠飛來喬木人家且向
琴書深處隱終勝似聽琵琶 休近七香車年華
已破瓜怕依然劉阮桃花欲問長生何處好金鼎
內轉丹砂

國香賦蘭

空谷幽人曳冰簪霧帶古色生春結根未同蕭艾
獨抱孤貞自分生涯淡薄隱蓬蒿甘老山林風煙
伴憔悴冷落吳宮草暗花深 霽痕消蕙雪向崖
陰飲露應是知心所思何處愁滿楚水湘雲肯信
遺芳千古尙依依澤畔行吟香痕已成夢短操誰
彈月冷瑤琴

探春慢己亥客闔閭歲晚江空暖雨奪雪篝燈顧

影依依可憐作此曲寄戚五雲書之幾脫

腕也

列屋烘鑪深門響竹催殘客裏時序投老情懷薄
游滋味消得幾多淒楚聽雁聽風雨更聽過數聲
柔艣暗將一點歸心試託醉鄉分付借問西樓
在否休忘了盈盈端正窺戶鐵馬春冰柳蛾晴雪
次第滿城簫鼓閒見誰家月渾不記舊游何處伴
我微吟恰有梅花一樹

燭影搖紅答邵素心

隔水呼舟采香何處追游好一年春事二分花猶
有花多少容易繁華過了趁園林飛紅未掃舊
醒新醉幾日不來綠陰芳草

木蘭花慢丹谷園

萬花深處隱安一點世塵無步翠麓幽尋白雲自

在流水縈紆攜歌緩游細賞倩何人重寫輞川圖
遲日香生草木淡風聲和琴書安居歌引巾車
童放鶴我知魚看靜裏閒中醒來醉後樂意偏殊
桃源帶春去遠有園林如此更何如回首丹光滿
谷恍然卻是蓬壺

意難忘

中吳車氏號秀卿樂部中之翹楚者歌美

成曲得其音旨余每聽輒愛歎不能已因

賦此以贈余謂有善歌而無善聽雖抑揚

高下聲字相宣傾耳者指不多屈曾不若

春蚓秋蛩爭聲響于月籬煙砌間絕無僅

有余深感于斯爲之賞音豈亦善聽者耶

風月吳娃柳陰中認得第二香車春深妝減豔波
轉影流花鶯語滑透紋紗有低唱人誇怕誤卻周

郎醉眼倚扇伴遮底須拍碎紅牙聽曲終奏雅
可是堪嗟無人知此意明月又誰家塵滾滾老年
華付情在琵琶更歎我黃蘆苦竹萬里天涯

壺中天養拙園夜飲

瘦筇訪隱正繁陰閒鎖一壺幽綠喬木蒼寒圖畫
古窈窕行人韋曲鶴響天高水流花淨笑語通華
屋虛堂松外夜深涼氣吹燭樂事楊柳樓心瑤
臺月下有生香堪掬誰理商聲簾外悄蕭瑟懸璫
鳴玉一笑難逢四愁休賦任我雲邊宿倚闌歌罷
露螢飛上秋竹

呈按絕妙好詞作養拙夜飲客有彈箜篌者卽
事以賦

又賦秀野園清暉堂

別本作爲陸義齋賦清暉山堂

穿幽透密傍園林宴樂清時鐘鼓簾隔波紋分晝

影融得一壺春聚篆徑通花花多迷徑難省來時
路緩尋深靜野雲松下無數空翠暗溼荷衣夷
猶舒嘯日涉成佳趣香雪因風晴更落知是山中
何樹響石橫琴懸崖擁檻待月慵歸去忽來詩思
水田飛下白鷺

元詩選曹伯啓江陰路經歷公餘每與陸憲史
史總管孝祥陸文圭輩講磨義理詩詠酬答

公詩略云嶂嶸古暨陽事簡風俗淳樸也一何
有忝爲幕中賓又云雲間陸公予丰姿邁羣倫

妙齡心老大富貴不驕人又按周弼端平詩
雋云小作幽閒傍宅開只須數畝占樓臺石移

林屋秋雲至水帶松江暮雨來徑草散香迎過
展砌花分影蔭流杯二人家園圍應無數不似君

能日幾回題作秀野二字似指此園三四林屋
松江正陰親切之景若西湖謝園及劉廊王

錡國亦名秀野以及山陰之秀野則無事牽連
後此矣又按義齋陸屋號見本卷清波引詞

清波引橫舟是時以湖湘廉使歸

江濤如許更一夜聽風聽雨短篷容與盤礴那堪
數弭節澄江樹不爲萼鱸歸去怕教冷落蘆花誰
招得舊鷗鷺寒汀古渚盡日無人喚渡此中清
楚寄情在譚麈難覓真閒處肯被水雲留住泠然
棹入川流去天尺五

元史臧夢解傳附陸垕垕字仁重江陰人幼以
孝友聞至元間闕丞相伯顏以師南下垕時未冠
率其鄉人見之論議有合兵遂不涉其境伯顏
奏授爲同知徽州路總管府事江陰志作奏授
江陰軍判官事定朝京師授同知云云累遷至
湖南肅政廉訪副使陞浙西廉訪使志作陞海
南廣東道廉訪使以侍親棄官歸云云年五十
卒諡莊簡江陰縣志城門西北曰澄江宋知
軍史寓之修又督學道在大街虹橋東古爲巡
撫行臺宋元間爲澄江驛大街虹橋東古爲巡
名觀詞中弭節澄江樹句應屬江陰人而考元
史及邑志玉田時爲湖湘廉使屬江陰浙西廉
史稱垕累遷至湖湖南肅政廉訪副使陞浙西
訪使題中謂以湖湘廉使歸可知在陞浙西廉
及一時暫歸非處肯被水雲留住等語情事正合

況玉田于江陰諸陸往來最密雖史傳舉大略
細未及橫舟之號意爲參考當屬此公又曹伯
啓漢泉漫稿寄謝陸義齋廉使諸公詩亦稱廉
使而詩中暨陽又卽此詞澄江且六卷義齋壽
雅與屋蹤迹相協互證之則義齋亦屋也諸句

暗香送杜景齋歸永嘉

猗蘭聲歇抱孤琴思遠幾番彈徹洗耳無人寂寂
行歌古時月一笑東風又急黯消凝恨聽啼鴂想
少陵還歎飄零遣興在吟篋愁絕更離別待款
語遲留賦歸心切故園夢接花影閒門掩春蝶重
訪山中舊隱有羈懷未須輕說莫相忘堤上柳此
時共折

晉書地理志太寧元年分臨海立永嘉郡括
蒼彙紀隋開皇九年廢二郡爲縣以括蒼松陽
永嘉臨海四縣置處州

一萼紅束季博園池在平江文廟前

蟻孤篷正叢篁護碧水曲池通偃僂穿巖紆盤
尋徑忽見倒影凌空擁一片花陰無地細看來猶
帶古春風勝事園林舊家陶謝詩酒相逢眼底
煙霞無數料神仙卽我何處崆峒清氣分來生香
不斷洞戶自有雲封認奇字摩挲峭石聚萬景只
在此山中人倚虛闌喚鶴月白千峯

昱按牟巖陵陽集題東季博山園詩有東壑第
一溪釣臺雲關諸題袁易靜春堂集正月十

六日與德鈞子敬翼之洎兒子震游東季博山
園賦詩我愛山園好芳堂隱薜蘿野雲樓不去

風葉掃還多暫憩忘城郭長謠詠瀾阿不嫌頻
啓鑰重過意如何詩凡五首悉同起句姑蘇

志宋政和五年以蘇州陞爲平江府元至元十
四年改平江路

霜葉飛悼澄江吳立齋南塘不礙雲山皆其亭名
故園空杳霜風勁南塘吹斷瑤草已無清氣礙雲
山柰此時懷抱尙記得修門賦曉杜陵花竹歸來

早傍雅亭幽榭慣款語英游好懷無限歡笑不見換羽移商杏梁塵遠可憐都付殘照坐中泣下最誰多歎賞音人少悵一夜梅花頓老今年因甚無詩到待喚起清魂□說與淒涼定應愁了

曹伯啓漢泉漫稿南塘戲贈立齋主人南塘幽闕似山林是是非非總不侵詩有靜功聯句好坐無俗客話情深花枝徒倚闌居樂柳絮顛狂薄宦心聞說主人村酒熟幾時攜杖一相尋

憶舊游寄友

記瓊筵卜夜錦檻移春同惱鶯嬌暗水流花徑正無風院落銀燭遲銷闌枝淺壓髻髻香臉泛紅潮甚如此游情還將樂事輕趁冰消飄零又成夢但長歌嫋嫋柳色迢迢一葉江心冷望美人不見隔浦難招認得舊時鷗鷺重過月明橋遡萬里天風清聲謾憶何處簫

木蘭花慢舟中有懷澄江陸起潛皆山樓昔游

水痕吹杏雨正人在隔江船看燕集春蕪漁棲暗
竹溼影浮煙餘寒尙猶戀柳怕東風未肯擘晴絲
愁重遲教醉醒夢長催得詩圓樓前笑語當年
情款密思留連記白月依絃青天墮酒袞袞山川
垂髫至今在否倚飛臺誰擲買花錢不是尋春較
晚都緣聽得啼鵑

瀟瀟雨泛江有懷袁通父唐月心

空山彈古瑟掬長流洗耳復誰聽倚闌干不語江
潭樹老風挾波鳴愁裏不須啼鵑花落石牀平歲
月鷗前夢耿耿離情記得相逢竹外看詞源倒
瀉一雪塵纓笑恂恂呼酒飛雨夜舟行又天涯零
落如此掩閒門得似晉人清相思恨趁楊花去錯